



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

IV. Cur tam Pontifex quam Imperator iustum de Henrico vltionem non sumserint; à Pontifice tamen non multo post excommunicatus est.

urn:nbn:de:hbz:466:1-10880

tos Episcopos, Procuratores, Advocatos, Tabelliones unā secum ducēs, ad pagnum Dunstallensem se contulit, qui proximè ab eis à Regia villa Amptilensi, in qua eo tempore degebat Serenissima Catharina; quam sāpius ius vocatam, ubi per quindecim dies fructu exspectasset, sententiam contra ipsam nondum auditam (Rege eam rem sibi ingratam esse simulante) pronunciat, dicitque necessitatem jure divino impositam Regi esse, ut Catharinam repudiet, & libertatem concessam, ut alteram ducat. Sic iudicato divortio per eos, penes quos eius rei potestas non erat, nuptiarum jam diu ante contractarum solennis pompa pridie idus Aprilis celebrata est Anno 1532. & Anna postridie Calendas Iunii Regio diadematē coronata.

IV. Quum matrimonii huius fama, fines Angliae egressa, ad Christianorum Principum aures pervenisset, dici non potest quantum admirationis, doloris, & indignationis in omnium animis ea impietas excitaverit. In primis vero Carolus V. Cæsar, Catharinæ ex sorore nepos, adeo indigne rem tulit, ut injuriam generi suo factam graviter ulcisci statuerit. Erat eo tempore in Italia Carolus: itaque Pontificem obnoxie rogavit, ut in hoc negocio se adjuvarer, armatumque Ecclesiasticis censuris bello Angliam petere pateretur, praesertim quum sit etiam ipse Pontifex gravissime ab Henrico lassus. Clemens, quanquam & Caroli precebus, & tot querelis Anglicani Cleri vehementer ad auctoritatem suam interponendam moveretur, tamen quum Regis animum ab Annæ complexu num saltem posse expletam libidinem speraret posse revocari, distulit rigidiora remedia, idque pro ea qua erat semper in Henricum indulgentia, quem non ut rebellem, neque ut læse Majestatis divinæ reum, neque ut fidei desertorem, sed ut dilectum filium tractabat, & salutem & existimationem eius omnibus modis promovens. Itaque intersum, quod meditatus fuerat in Galliam perficit, conventus Massiliæ Franciscum primum Regem Christianissimum. Fuit hoc anno 1533. Eo conventu transactum est de nuptiis inter Laurentii Medicis junioris filiam, neptem Clementis ex fratre, & Aurilianensem Ducem secundū Francisci filium. Massilia igitur Pontifice commorante, advenientes ex Anglia Legati, omnem de commendatione Henrici nem penitus sustulerunt: quorum eo usque progressa est quodam die impudentia, ut Apostolica Sedis potestatē per summam arroganticam imminentes, inque præsentem Pontificem contumeliosè dicentes, ab ipsius auctoritate ad concilium futurum provocare non erubescerent. Quæres & Pontificem & Regem ita exacerbavit, ut prioris sua erga Henricum lenitatis atque indulgentiae pœnitentia ducti, deinceps pro hostibus eius sese gerere statuerint. Et Franciscus quidem apud Legatos Henrici professus est, se federi, quod ipsum cum Henrico intercederet, renunciare: simulque auxilia, quæ ab ipso petebant, Legatis negavit, respondens: Aliis in rebus omnibus se fratris animum Henrico præfitarum, sed in iis que contra Religionem fierent, nec velle cuiquam associari. Pontifex vero in Italiam reversus, causa in sacro Cardinalium collegio cognita & examinata, sententiam tulit non longe ante mortem Anno Domini 1533. Pontificatus sui XI. in hæc ipsa verba quæ sequuntur.

Quum, pendente lite coram nobis, dilecto filio Capizuccio cappellano nostro, ac sacri Palatij Apostolicæ causarum auditori & Decano, à nobis in Consistorio Reverendissimorum commissa, inter charissimos in Christo filios nostros Catharinam & Henricum octavum Angliae Reges, de & super validitate matrimonii inter eos contracti, prefatus Henricus dictam Catharinam rejecerit, & de facto cù quodam Annam matrimonium contraxerit, contra mandata & decreta tam admonitionis quam inhibitionis in literis in forma Brevis, etiam de consilio fratribus nostrorum S.R.E. Cardinalium emanatis, contenta, temere & de facto attentando: Idcirco nos de illius potestatis quam Christus Rex regum nobis, licet immeritis in persona B. Petri concessit, plenitudine, in throno justitie pro tribunali sedentes, & solū Deū pra oculis habentes, per hanc nostram sententiam, quam ex nostro mero officio, ac de venerabilium fratrum nostrorum S.R.E. Cardinalium consistorialiter coram nobis congregatorū consilio, ferimus, ejectionem & spoliacionem dictæ Catharine Regine à quasi possessione juris conjugalis, & Reginalis dignitatis, in qua tempore huiusmodi mote litis erat matrimonium inter predictū Henricum Regem & Annam predictam contractū, quem predicta omnia notoria & manifesta sint, prout ita esse declaramus. Nulla, Injusta, & Attemptata fuisse & esse, ac nullitat, in justitia arrempatorumque virtus sub jacuisse, & sub jacere, problemi suscepimus, seu suscipiendam illegitimam fuisse & esse prefatamque Catharinam Reginam, ad suum pristinum statum & quasi possessionem juris conjugalis & Reginalis dignitatis restituimus & reponimus, eicimus & amovemus. Eat demque

demqua nostra sententia, & ex consilio & mero officio nostro prædicto, prefatum Henricum Regem majoris Excommunicationis & alias censuras & pœnas in diuis literis consentias, ob eam non partitionem & contemptu damnabiliter incurrisse & incidisse, ac ab omnibus Christi fidelibus evitandum fuisse & esse, declaramus, mandamus. Et nihilominus volentes cū eodem Henrico Rege nomine pii patris benigne & clementer agere, censurarū prædictarū declarationem, usque, & per totū mensē Septembribus proxime futurum, ad hoc, ut sententię & mandatis nostris prædictis commodius parere possit, suspendimus. Et si infra dictum tempus parere distulerit, ac dictam Catharinam in prisūnum statum, quo tempore litis mota erat, non restituerit, praesumque Annam à sua cohabitatione & quasi possessione juris Conjugalis & Reginalis non abjecerit. & dicta attemptata cum effectu non purgaverit, extunc presenti declarationi locum esse volumus & decernimus. Ita pronunciamus.

Henricus hac accepta sententia, tantum absfuit ut eidem pareret, aut pœnitentiam cogitaret, ut perditorum potius hominum more, qui correctionem nullam admittunt, pervicaciam multo progrederetur, & nihil aliud, quam vindictam, animo versaret: cuius primi impetus in Catharinam incurrerunt, feminam cuius inestimabilis virtus, & regia animi magnitudo inter ea, quæ sunt in hoc mundo grandia, miraculo esse poterat. Itaque cæci affectus impetum per horribilia præcipitia sequens, & tanquam furore actus, palam edixit, ne quis in posterum Catharinam Reginæ nomine dignareret; sed ut tantum Arturi principis defuncti vidua ab omnibus vocaretur. Deinde admonitus ab Anna, quod iterum ferret (unde postea factus prodidit Angliae infastissimus) Mariam ex Catharina filiam Walliæ principem, tanquam spuriam & ex incestuosis nuptiis procreatam, dignitate & regia successione dejeicit. Simul etiam custodes & exploratores in ipsa Catharinæ domo constituit, nihil ut ibi gereretur, quod non rescisceret. Quia difidentia factum est, ut crudeliter multa statueret in eos, qui bene cupiebant matroniæ omni calamitatum genere afflictissimæ. Tunc & Ioannem Forestum, divi Francisci de observantia religiosum, qui Catharinæ à confessionibus fuerat, in carcere conjecit, & paucis post diebus Thomam Abelum, Edoverdum Povellum & Richardum Fetherstonum qui Reginæ caussam coram Legatis defenderant, recludi in custodias jussit. Vix effluxerunt menses quinque ex quo Henricus Annam

publice duxerat; quum illa septimo idus Septembbris in ipso profecto natalis beatissimæ Mariæ virginis, Anno MDIII. filiam enixa est: quam certe non in legitimo matrimonio, sed ante nuptias ab Hērico, aut certe alio aliquo procreatā fuisse necesse est. Hēricus quidē hujus feminæ quasi incantationibus fascinatus, suam esse persuaderi sibi passus est: & baptizandam curavit summo splendore ac celebritate, apud Grenuicum in Ecclesia fratrum Francisci de Observantia. Nomen ei impositum est Elizabethæ. Vix edita erat in lucem, quum jam velut in ipsis cunis nil nisi cædem & sanguinem spirans, mortis causa plurimis existit.

V. Erat illis temporibus virgo quedam insignis sanctitatis, Deo consecrata, in monialium collegio austera vitam agens, quæ vulgo Virgo sancta Cantiana appellabatur. Hæc votinans prædicensque ea quæ postea evenerunt, clare & palam asserbat, Hēricum non amplius jam esse Regem, eo quod ex Deo non regnaret: Elizabetham vero Annæ filiam non prius regnaturam, quam Catharinæ filia Maria ad regni, quod jure hereditari ipsi deberetur, sedisset gubernacula. Ob quæ verba in suis vocata, & in publicis Regni comitis una cum duobus D. Benedicti Monachis, Eduardo Bochingo & Ioanne Deringo, duobus etiam sacerdotibus secularibus, Richardo Massero & Henrico Goldo (qui omnes eam spiritu Dei afflatam credebant) capitis condemnata fuit. Quam feminam quum Roffensis Episcopus & Thomas Morus jussu Regis diligenter examinassent, reulerunt Regi, se nullo indicio deprehendere posuisse, eam fanatico spiritu (quod tunc spargebatur) agitata fuisse. Quo nomine Roffensis accusatus fuit, quasi cum illa fentier, & Ioannes Adesonus, qui ei fuit à facello, unà cum tabellione Cantuariensi; duo etiam nobiles laici, Thomas Goldus & Edovardus Ehuatus, in vincula eam ipsam ob causam conjecti fuerunt. Quum autem varia essent hominum de Hērici actionibus judicia, Rex id ægre ferebat, occurendumque ratus, Londini optimates omnes jussit coram Consiliariis suis jurato profiteri: secundas cius nuptias legitimas esse, prolemque inde natam, Elisabetham nomine, verum esse Regni heredem. Quam jurisjurandi formulam qui sufficiere solebant, conscientia prohibiti, in custodiā dati sunt: & in his Episcopus Roffensis & Thomas Morus. Fratres autem minores,